

## **s'Vreni vo hinnefirä**

Stecklischue und Buirebei  
passid nid rächt zäme.  
Mini Rock und blutti Bei  
settisch di fascht schäme.

Meitli chunsch vo hinnefirä,  
was suechsch ai i de Stadt?  
d'Händ sind gwend a d'Gadetirä  
Glas und Chrom isch z'glatt.

Meinsch gheersch pletzlich ai derzue  
mit Lippestift und Täsche  
am Morge hesch nu Chalb und Chue  
vom Schiisdräck suiber gwäsche.

Und jetz trinksch da us finem Glas  
Prosecco und Campari  
redschesch vo Kokain und Gras  
wie jedä Gaggelari.

Derbie hätttsch vil meh z'sägä  
chenntsch nur dich sälber sii.  
Aber eppis isch dergäge:  
wettsch so wie alli sii.

Und eines Tages bisch so wiit.  
Bisch nimmä s'Chuedräck-Vreni  
„Si isch es Tipfi,“ sägid d'Liit,  
„und meind si siig e Scheeni.

Und dui weisch nimmä, wer dui bisch,  
woher dui chunsch und anegheersch.  
Sitzisch zwische Stuhl und Tisch  
will di gäge d'Wurzle weersch.